

المختصر المفيد للمسلم الجديد

- موري -



Gom-koεεg sēn nafde, n kō lɪslaam paalā

Sεglgā

Muhammad Aššahrīi



Islamhouse.com

المحتوى الإسلامي

Gom-koεεg sēn
nafde, n kō
Islaam paalã

Sεglgã

Muhammad Aššahrii

1441 – 2020

شركاء التنفيذ:



المحتوى الإسلامي



رواد الترجمة



جمعية الریوة



دار الإسلام

یتاح طباعة هذا الإصدار ونشره بأي وسيلة مع
الالتزام بالإشارة إلى المصدر وعدم التغيير في النص.



Telephone: +966114454900



ceo@rabwah.sa



P.O.BOX: 29465



RIYADH: 11557



www.islamhouse.com



Ne Wēnd Yuurā Albarka, sēn yaa Dūni gūbg n yols Naabā,
n yaa yaoolem daar welg n yols Naabā

Gomd tuusgo

Ad pēgr be ne Wēnde, tɪ d pēgd-A la d kot-A sōngre, la d kot-A yaafa, la d kot Wēnd gūudum n yi d mensā wēnga la d tuumā wēnga. Wēnd sēn kānd a soaba, ned pa tōe n menes-a ye, la A sēn menes a soaba, kāndgd pa be ne-a ye, la m maanda kaseto, tɪ Soab hakuk pa be rēnda Wēnde, A yaa Yembre, lagm-n-taag pa be ne-A ye, la m maand kaset t'a Mohammad yaa A yamba la A Tēn-tuuma.

Rē loogre poorē:

Wēnd waooga a Adam koambā la A yus-ba A bōn-naandsā wusg fāa zugu, A yeelame A naam zēkame:

﴿ وَقَدْ كَرَّمْنَا بَنِي آدَمَ وَحَمَلْنَاهُمْ فِي الْبَرِّ وَالْبَحْرِ وَرَزَقْنَاهُمْ مِّنَ الطَّيِّبَاتِ وَفَضَّلْنَاهُمْ عَلَىٰ

كَثِيرٍ مِّمَّنْ خَلَقْنَا تَفْضِيلًا ﴾ [الإسراء: 70]

﴿ La sɪda Tōnd waooga a Adam koambā ﴾ [Al-ɪsraa'u: 70] La A paasa zāmā-kāngā waoogrā n tums b nengē, A Nabiyaam-dāmba sēn yudā wā a Muhammad -Wēnd puusg la A tulgr be a yīnga- la A sik n kō-ba A gaf-rāmba sōmblem sēn yudā, sēn yaa Alkurāan wagellā, la A yar b



yīnga dīin-rāmbā A sēn tuk n kō nebā zɪslem sēn yudā wā,
yē me la lɪslaooᅅgā, A yeelame, A Naam zēkame:

﴿كُنْتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ وَتَنْهَوْنَ عَنِ الْمُنْكَرِ وَتُؤْمِنُونَ بِاللَّهِ
وَلَوْ ءَامَنَ أَهْلُ الْكِتَابِ لَكَانَ خَيْرًا لَهُمْ مِمَّنْهُمُ الْمُؤْمِنُونَ وَأَكْثَرُهُمُ الْفَاسِقُونَ﴾ [آل عمران:

[110

﴿Yāmb yaa zāma sēn yud sōmblem tɪ b yus-b neba
yīnga, yāmb sagenda ne manegre, la y gɪdgd sēn kisā, la y
kōt sɪd ne Wēnde, la tɪ Gafā rāmb sā n da kō sɪda, rag n na
yɪ sōma ne-ba, sɪd kōtb n be b pugē, la b wusgā fāa yaa
Dīin-yitba﴾ Aalu-imraan: 110. La sēn be Wēnd neema
kāsemsā pugē A sēn maane n kō ninsaālā yaa A sēn na n
lok-a ne kāndgre n tug lɪslaooᅅgā, la tablgo a zugu, la tum
ne a buud-rāmba la Šari-rāmbā, la be seb-kāngā pugē
bedremā sēn yaa kɪdgā tɪ sēn be a pugē wā yaa bedrā,
tuub paalg karemda būmb ninga a sēn pa sōmb n zɪ-a a
lɪslaooᅅgā sungrē ne na-kēndr sēn kuug koεega, n vēnegd
n wīnigd-a dīin-kāngā sēn yaa zɪsgā todsā, halɪ t'a sā n wa
fahm-a n tum wala a sēn togsā a kēeda bāngrā baooob
pugē la wusgr a pugē sēn na yul t'a minimā ne a Soabā
paase, A naam zēkame, la a Nabiyaamā - **Wēnd puusg la
A tulgr be a yīnga-**, la a Dīina sēn yaa lɪslaooᅅgā; t'a tūud
Wēnde ne vēnem la bāngre, t'a sūurā yōgneg t'a sɪd-

Gom-koεεg sēn nafde, n kō lɪslaam paalā



kūuna paasdē ne a sēn pēnegd Wēnd ne tūudmā, la a Nabiyaamā Sunnah pugb a Muhammad- Wēnd puusg la A tulgr be a yīnga-,

La Wēnd la m kot bark gom-bill fāa sēn be seb-kāngā pugē, la A naf ne-a Lɪslaoongā la lɪslaambā, la A maan-a tu yaa Yē A yembr yīnga, la A kō a keoorā lɪslaambā fāa gilli, sēn vɪ la sēn ki.

La Wēnd na puus la A tulg tōnd Nabiyaamā a Muhammad, la a zak rāmbā la a Şahaabsā gilli.

Muhammad [bn Aššubah Aššahru

2 / 11 / 1441 H



Mam Soabā yaa Wēnde

A yeelame, A Naam Zēkame:

﴿يَا أَيُّهَا النَّاسُ اعْبُدُوا رَبَّكُمُ الَّذِي خَلَقَكُمْ وَالَّذِينَ مِنْ قَبْلِكُمْ لَعَلَّكُمْ تَتَّقُونَ﴾

[البقرة: 21]

﴿yaa yāmb a nebaa, tū-y y Soabā, sēn naana yāmb la sēn dengb yāmb taorā, tu sānd-sānde y na paam Wēnd-zoεεga﴾ [Albakara 21] A yeelame A Naam Zēkame:

﴿هُوَ اللَّهُ الَّذِي لَا إِلَهَ إِلَّا هُوَ عَالِمُ الْغَيْبِ وَالشَّهَادَةِ هُوَ الرَّحْمَنُ الرَّحِيمُ﴾ [الحشر: 22]

﴿Yē la Wēnde! Soab sēn kae tu sā n pa Yēnda﴾ [Alhašru: 22]. A yeelame, A Naam Zēkame:

﴿فَاطِرُ السَّمٰوٰتِ وَالْاَرْضِ جَعَلَ لَكُمْ مِنْ اَنْفُسِكُمْ اَزْوَاجًا وَمِنْ الْاَنْعَامِ اَزْوَاجًا يَذُرُّوْكُمْ

فِيْهِ لَيْسَ كَمِثْلِهٖ شَيْءٌ وَهُوَ السَّمِيْعُ الْبَصِيْرُ﴾ [الشورى: 11]

﴿Būmb pa be n wōnd-A ye, la Yēnda la wumda n yaa neta﴾ [Aššuuraa: 11]

• Wēnde la mam Soaba.la būmb fāa Soaba, sēn yaa Soada, sēn yaa Naanda, n yaa Rulga, n kēnesd būmbā fāa gilli.



• Yēnda A Yembr tãa n sōmb ne tūudum, soab ka be tɪ sãn ka Yē ye, soab tūudug me ka be tɪ sã n ka Yē ye.

• A tara Yui sēn manege, la sɪf-rãmb sēn zēke, A sēn tablg ne A Menga, la A Nabiyaamã me leb n tablg A yīnga, Wēnd puusg la A tulgr be a yīnga, taa tekē, pidbē la sōmblem, la būmb ka be n yaa wala Yē ye, Yē me n yaa Wumda, n yaa Neta.

Sēn yi A yui wã sēn manegã pugē:

A yaa Rɪlgda, n yaa Yolsg Naaba, n yaa Tōogda, n yaa Naaba, n yaa Wumda, n yaa Tulgre, n yaa Neta, n yaa b sēn Bobend a soaba, n yaa Naanda, n yaa Bugsgo, n yaa Sekda, n yaa Yaafda.

n yaa Rɪlgda, sēn yãsa ne yembsã rulgr yelle, b sūyã la b yīnsã sēn zemsd ne būmb ningã.

n yaa yolsg Naaba, n yaa yols kasēng Soaba, yolsg ning sēn gūbg būmbã fãa gilli

n yaa Tōogda, n yaa tōog Soab sēn pidi, tōog ning kongr sēn ka tat-a, bas-n-vuus me ka be a pugē.



n yaa Naaba, Yēnda la b sēn sɪf ne zɪslem sɪf-rāmba la modgre la kēnesgo, n so būmbā fāa gilli, Yēnda n maand A sēn ratā a pugē.

n yaa Wumda, A wumda bōn-wumdu wā gill fāa, b sēn solg la sēn vēnege.

n yaa Tulgre, A tulgame n yi boogr fāa la bāaga la zanga.

n yaa Neta, n yaa Soab ning Nenemā sēn gūbg būmbā fāa gillā, baa t'a sā n tug n bāaname n paoodē, Yēnd n ne yelā fāa gilli, n yaa nimim tēng-m-biig ne-ba, n yaa sēn Lik n nē b pusā fāa gilli.

b sēn bobend a Soabā, n yās ne A bōn-naandsā rulgre, n yās ne-ba, buul yīng tɪ b yelā na menese, Yēnda n lambg A noang-n-taasā, n maneg n yols b yīnga, la A sek-b n yi yelā fāa.

n yaa Naanda, Yēnda la yelā Yūsda la b Yēbgda, tɪ ka sēn da ges būmb a to n maan ye.

n yaa Bugsgo, Yēnda n waoogd A yembsā la A yolsd-ba, la A kōt-b b sēn kote.

Yēnd n sekd A yembsā, b sēn tar tulsem ne būmb ning fāa, la Yēnda me la b leb n sekd b mense ne A Sōngrā, n yi



zēng sēn ka Yē fāa, b leb n sekda b mens ne-A n yi būmbā fāa gilli.

n yaa Yaafda, Yēnda n gūud A yembsā n yi b zunuubā wēnga, n ka slbgd-b a zug ye.

Lūslaam tagsdame n getē Wēnd naanegā yel-soalema la A sēn yols yelā, sēn be rēnda pugē, yaa bon-naandsā sēn get sōma b koam-bāanegā, n tar yā-beedo n na n rulg-ba, n leb n ning b toaag a pugē halu n tall-a n ges hal t'a wa tōe n tu tik a menga, rēnd yulgr be ne sēn naana bāmbā wā, n leb n buke sēn yi A Bukrā pugē, ne A sēn segle n kō bōn-naandga būmb ningā sēn na sōng-a wā, n leb n maneg a halhaalā, n lqgem ne a sēn yaa valangā fāa.



Nabiyaama a Muhammad, -Wēnd puusg la A tɪlgr be a yīnga-

A yeelame A Naam Zēkame:

﴿لَقَدْ جَاءَكُمْ رَسُولٌ مِّنْ أَنفُسِكُمْ عَزِيزٌ عَلَيْهِ مَا عَنِتُّمْ حَرِيصٌ عَلَيْكُمْ بِالْمُؤْمِنِينَ

رَءُوفٌ رَّحِيمٌ﴾ [التوبة: 128]

﴿Sid la hakuka, Tēn-tuum waa yāmb nengē sēn yi yāmb pugē, yaa toog a zug būmb ning sēn namsd yāmbā, n maan yā-beed ne yāmb na kānde, n yaa nimbāan-zoeta n yaa yolsda ne sɪd-kōtbā﴾ [Attaooba: 128]. A yeelame A Naam Zēkame:

﴿وَمَا أَرْسَلْنَاكَ إِلَّا رَحْمَةً لِّلْعَالَمِينَ﴾ [الأنبياء: 107]

﴿La Tōnd pa tums foom rēndame tɪ yaa yolsgo ne bōn-naandsā fāa gil yīnga. [Al-Anbiyaa'u:107].

A Muhammad -Wēnd puusg la A tɪlgr be a yīnga- a yaa Yolsg ninga b sēn kō (bon-naandsā).

Yēnda la a Muhammade, n yaa a Abdullaah biiga, Wēnd puusg la A tɪlgr be a yīnga, n yaa nabiyaam-rāmbā la tēn-tuumbā Pidsda, Wēnd tums-a lame- A Naam zēkyā- ne lɪsloongā dīini, n tug nebā fāa nengē, buul yīnga t'a pεεg-b



n tug sōma, la sēn tug n yud fāa, yaa Wēnd yeembgo, la a gū-b n yi wēngā, la sēn tug n zɪs n yud fāa, yaa lagem-n-taare.

A tūub yaa tɪlae a sēn sagl būmb ning fāa gillā pugē, n leb n yaa tɪlae tɪ b sɪdg-a a sēn kō kibay ninsā, la b zoe n zāag a sēn gɪdge la a bugsi tɪ b bas yel ninsā, la b ra leb n wa tūud Wēnde, rēndame tɪ yaa ne būmb ninga A sēn tuki tɪ yaa Šari n kō tōndā.

A tēn-tumdā la tēn-tuumbā sēn reng taorā fāa tēn-tumdā, yaa bool n tug Wēnd tūudūm, A Yembre, lagem-n-taag ka be ne-A ye.

Sēn be A stf-rāmbē wā, -Wēnd puusg la A tɪgr be A yīnga-:

Yaa sɪda, la yolsgo, la sū-toogre, la sugri, la sū-keelem, la kūuni, la zug-sōngo, la tēeg turga, la gāneg-m-menga, la bas-tɪ-looge.



Alkurāan wagellā yaa mam Soabā goama.

A yeelame A Naam Zēkame:

﴿يَأْتِيهَا النَّاسُ قَدْ جَاءَكُم بُرْهَانٌ مِّن رَّبِّكُمْ وَأَنزَلْنَا إِلَيْكُمْ نُورًا مُّبِينًا﴾ [النساء:

[174

﴿Yāmb a neba! Sɪda tikr waa yāmb nengē sēn yi y Soabā nengē, la D sikame tɪ wa yāmb nengē vēenem sēn vēnegde.﴾ [Annisaa'u: 174]

Alkurāan wagellā yē yaa Wēnd gom A naam zēkame, A sēn sik a soab A Nabiyaamā zugā a Muhammad - **Wēnd pousg la A tulgr be a yīnga-** sēn na yɪl t'a yiis nebā ligsē wā n tug vēenemē wā la a peeg-b n tug so-turgā.

Ned ning sēn karm-a a paamda keoor sēn yaa bedre, la sēn tumā ne a kāndegrā a rɪka so-turgā.



M rat n na n bānga Lɪslaoongā zeng-raadā

A yeelame, -Wēnd puosg la A tulgr be a yīnga-: (B mee lɪslaoongā zeng-raad a nu zugu, yaa maan kaset tɪ soab hakuk ka be tɪ sā n pa Wēnd ye, la a Mohammad yaa Wēnd Tēn-tuuma, la yānes ne Puosgā la yāk Zakā n kise, la Ramadaanā no-loeere, la Mak Roogā kaagre).

Lɪslaoongā zeng-raadā yaa tūdūm-dāmba sēn zao Lɪslaam fāa, la ninsaal lɪslaoong ka manegde, rēndame t'a loe a sūurē wā tɪ b yaa tilae la a maan-b fāa: bala Lɪslaoongā mee b zug, rē n kit tɪ b pud-a tɪ Lɪslaangā zeng-raado.

la zeng-ra kāensā la woto:

rēnem zeng-raoogā: yaa kaset maanego tɪ Soab kae sēn tōe n tū n tulg tɪ sān pa Wēnd ye, la a Mohammad me yaa Wēnd Tēn-tuuma.

A yeelame A Naam Zēkame:

﴿فَاعْلَمْ أَنَّهُ لَا إِلَهَ إِلَّا اللَّهُ وَاسْتَغْفِرْ لِذَنبِكَ وَلِلْمُؤْمِنِينَ وَالْمُؤْمِنَاتِ وَاللَّهُ بِعَلْمِ مُتَقَلِّبِكُمْ

وَمَثُورِكُمْ ﴿١٩﴾ [محمد: 19]



﴿Bī f bāng tī sēn yalē yaa tī Soab sēn tūud n tūgd ka be rēnda Wēnde﴾ [Muhammad: 19]. A leb n yeelame A Naam Zēkame:

﴿لَقَدْ جَاءَكُمْ رَسُولٌ مِّنْ أَنفُسِكُمْ عَزِيزٌ عَلَيْهِ مَا عَنِتُّمْ حَرِيصٌ عَلَيْكُمْ بِالْمُؤْمِنِينَ

رَءُوفٌ رَّحِيمٌ﴾ [التوبة: 128]

﴿Sīd la hakuka Tēn-tuum waa yāmb nengē sēn yi yāmb pugē, yaa toog a zug būmb ning sēn namsd yāmbā, n maan yā-beed ne yāmb na kānde, n yaa nimbāan-zoeta n yaa yolsda ne sīd-kōtbā﴾ [Attaooba: 128].

Maan kaset tī Soab ka be rēnda Wēndā maana: b sēn tūud tī yaa sīd ka be rēnda Wēnde.

A Muhahmmad yaa Wēnd Tēn-tuumā vōore: yaa sak n tū-a, a sēn saglā pugē, la a sīdgre a sēn kō kibay ninsā, la b zoe n zāag a sēn gūdg la a bugsi tī b bas yel ninsā, la b ra wa tū Wēnde rēnda ne būmb ninga A sēn tuk tī yaa Šari wā.

Zeng-raoog a yiibē soaba:yaa Puusgā yalsgo

A yeelame A Naam Zēkame:

﴿وَأَقِيمُوا الصَّلَاةَ...﴾ [البقرة: 110]



﴿la y yānes ne Puusgā﴾ [Al-bakara: 110].

Puusgā yānesgā yita ne a kusgo wala neng ning Wënd sēn saglā A Naam zēkame, t'A Tēn-tuumā wīnig-a tōndā a Muhammad -Wënd puusg la A tilgur be a yīnga-

Zeng-raoog a tāabē soaba: yaa Zakā kūuni.

A yeelame A Naam Zēkame:

[110: البقرة] ﴿... وَعَاتُوا الزَّكَاةَ...﴾

﴿la y kō Zakā﴾ [Al-bakara: 110].

Wënd maana Zakā tu yaa tilae n yaa zarb-n-gesga ne lɪslaam sɪd kūuna sɪdem, n leb n yaa bark puusg ne a Soabā ne A sēn kō-a sēn yaa arzekā neemā wā, n leb n yaa sōngr ne talsā la tulsmā-rāmba.

La Zakā kūuna yita ne b sēn na n kis-a neb nins sēn sōmb ne-a wā.

La a yaa hake señ yaa tilae n be arzekā pugē t'a sā n wa ta sōor ninga, b kōt-a la kōbg a nii tu Wënd togs-b Alkurāan wagellā pugē, talg la nimbāan-ned be b pugē.

La a kūunā pugē bilgr bee beenē sēn yaa yolsgo la nimbāan-zoeere, la yulgre ne lɪslaam zugdā la a arzekā, la yard paoongo talsā la ninbāan-nebē wā, n kengd



noanglemā la ma-biirā tōkre nebā ne taab suka lɪslaambā zāmā pugē, rē yīnga n kit tɪ lɪslaam turg a yiisda-a lame n kō ne a yōor yamleoogo t'a sūurā noom ne a kūunā, būmb ning sēn be a pugē sēn yaa sū-noog kēesg kēesg neb a taabē wā yīnga.

La arzekā Zaka yākrā a sōorā yaa 2.5% sēn yi arzek ning sēn bingā sēn yaa Sānem la Wanzur la ligdā la laogā b sēn segleg tɪ yaa koosem yingā n baood yōodā, t'a waooglemā sā n ta sōor sēn yāk toaaga n gilg n sog yuumd tɪ pidi.

Wala Zakā sēn yaa tulae ne ned sēn na n tar rūms t'a sā n ta sōor ninga (yugmā wā la niisā la rūmsā), tɪ b sā n yaa rūm-daagdɪ yuumdā rasem-dāmb wusga fāa tɪ pa b soabā n rɪlgd-b ye.

La woto bala Zakā yaa tulae būmb ning sēn yit tēngē wā sēn yaa bōn-bēela la tɪ-biisā la Sānem-dāmbā la tēngā arzeg bugsdsā tɪ b sā n ta waooglem ninga.

Zeng-raoog a naas soaba: yaa Ramadaan kiuugā no-loeere

A yeelame A Naam Zēkame:



﴿يَا أَيُّهَا الَّذِينَ ءَامَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن

قَبْلِكُمْ لَعَلَّكُمْ تَتَّقُونَ﴾ [البقرة: 183]

﴿yāmb a neb nins sēn kō sɪd ne Wēndā b roglā yāmb no-loeerā wala b sēn dogl sēn deng-b yāmb taoorā sānd-sānde y na zoe Wēnde﴾ Al-bakara:183

Ramadaana yē: la kiuug a wae soaba sēn yaa Higrā wā geelg pugē, la a yaa kiuug b sēn zɪsgde lɪslaambā nengē, a tara ziir sēn welge n yi yuumdā kiisā sēn kellā, la a zāngā fāa noorā loeesā yaa lɪslaangā zeng-raad a nu wā yembre.

Ramadaanā no-loeerā yē: yaa tūudm ne Wēnde A naam zēkame ne yōk-m-menga n yi rubo la yūubu la kēed-n-taare, la sēn kaood noorā fāa, n sungd tōd-beoogā n tɪ tāag wīndgā louuse Ramadaanā kiuugā sēn yaa Albarkā woglmā gilli

Zeng-raoog a nu soaba: Yaa Wēnd Lohorom Roogā kaagre.

A yeelame A Naam Zēkame:

﴿فِيهِ ءَايَاتٌ بَيِّنَاتٌ مِّمَّا ءُمِرَ بِهِمْ وَمِن دَخَلِهِ ءَمِنَآ وَءَلَى النَّاسِ حِجُّ الْبَيْتِ مِن

أَسْطَءَآ إِلَيْهِ سَبِيْلًا وَمَن كَفَرَ فَإِنَّ ءَلْلَهَ عَنِّي عَنِ الْعَالَمِينَ﴾ [آل عمران: 97]



✦ la roga nebā tɪ b kaag Roogā Wēnd yīnga, sēn paam a sor n na tug be, ✦ [Aalu-‘[mraan: 97]. Hagiimdā yıtame ne ned sēn tar sor tōogo n tug beenē, a yaa vugri vumā pugē, yē me yaa Lohorom Roogā toglgo la zīis nins sēn yaa zī-yulma sēn be Maka, n tug n maan tūudum-rāmba b sēn mi, wakat-rāmba b sēn mi pugē, la sɪd la hakuka, Nabiyaama-Wēnd puusg la A tulgr be a yīnga- maana hagiimdā, la nabiyaam-rāmb me sēn ka yēnda maana hagiimdā sēn reng yē taore, la Wēnd sagla a [braahiim tulgr be a yīnga, t'a bool nebā tɪ b wa maan hagiimdā, wala Wēnd sēn togs rēnda, Alkurāan wagellā pugē, A Naam zēkame, n yeele:

﴿وَأَذِّنْ فِي النَّاسِ بِالْحَجِّ يَاأُتُوكَ رِجَالًا وَعَلَىٰ كُلِّ ضَامِرٍ يَأْتِينَ مِنْ كُلِّ فَجٍّ عَمِيقٍ﴾ [الحج:

[27

✦ La moon n bool nebā tɪ b wa maan hagiimdā. B na n waa fo nengē n kēnd nao la ne rūm-zombds buud toor-toore, n yit zī zārg fāa n watē. ✦ {Al-hağ 27}



M rat n na n bānga Sıd-kūunā (Lumaongā) zeng-raado:

B soka Nabiyaamā -Wēnd puusg la A tulgr be a yīnga- Sıd-kūun sēn yaa a soaba, t'a yeele: (Yaa f kō sıd ne Wēnde, la A malegsā la A Gaf-rāmbā la A tēn-tuumbā la laahr (yaoolem) daarā, la f kō sıd ne kordgā (A Pulungā), a noogo la a toogo) Sıd-kūunā zeng-raadā, bāmb la sūurē tūudum-rāmbā, sēn ya tulae n zao ne lūslaam fāa gilli, la ninsaal lūsloong ka manegde, rēndame t'a loe a sūurē wā ne-a n wāage, rē n kit ti b pud-a ti sıd-kūun (lumaongo) zeng-raado, la yēnda ne lūsloongā zeng-raadā welgrā, yaa ti lūsloongā zeng-raadā, bāmb yaa tuumd sēn yaa vēenega, ti ninsaal maand-b ne a yīn-wilā, wala fo sēn na n yeel Kaset (Šahd) a yiibā la Puusgā la Zakā, la sıd-kūunā (lumaongā) zeng-raadā bāmb yaa sūurā tuuma ti ninsaal maand-b ne a sūurā, wala: kō-sıd ne wēnde la A Gaf-rāmbā la A Tēn-tuumbā.

Sıd-kūunā sēn rat n na n yeelgā la a vōorā: la yēnda yaa sūurā sıdgrā sēn loe ne Wēnde, la A malegsā, la A Gaf-rāmbā la A Tēn-tuumbā, la yaoolem raarā, la Alkadrā (Pulungā), a noogo, la a toogo, la Nabiyaamā sēn wa ne būmb ningā pugbo -Wēnd puusg la A tulgr be a yīnga- la a



maanego: n gom ne zelemde, wala yeelgo: "ti soab ka be ti sã n ka Wëndã". La Alkurãanã karengo, la Subhaanallaah la Laa'ulaaha [llallaah maanego, la Wënd pēgrã.

a leb n yaa tuuma ne yīn-wil nins sēn vēnegã, wala Puusgo, la no-loeere, la hagiimdu, la yīn-wil nins sēn solgã, sēn yag ne sūurã, wala Wënd noanglemã la A zoesã la bobl-f-meng ne-A, la maan pu-peelem ne-A.

La bāngdbã togsd-a la koεeg-koεega, ti yēnda yaa: loεeg ne sūuri, la yeelg ne zelemde, la tum ne yīn-wila, a paasdame ne tūudum, n poogd ne Wënd kusgo.

Zeng-raoog rãeenga: yaa kō-sid ne Wēnde

A yeelame A Naam Zēkame:

﴿إِنَّمَا الْمُؤْمِنُونَ الَّذِينَ ءَامَنُوا بِاللَّهِ...﴾ [النور: 62]

{Ad sid-kōtbã la neb nins sēn kō sid ne Wëndã } [Annuur 62]

Kō-sid ne Wëndã, tūuda ne A yembgo A Rubuubiya wã pugē (sobendē wã,) la A Ulubhiya wã pugē (A tūubē wã) la A Asmaa'u pugē (A yuy wã) la A Sifaatē wã (A sif-rãmbē wã) yē me yaa bumb sēn kumbd sēn watã:

Yaa f kō sid ne A belmã, A Naam ylgame n zēke.



Kō-sɪd ne A sobendā, (Rubuubiya) A Naam yulge n zēke, la A yaa būmbā fāa Soada, la a naanda, la a rulgda, la a yellā Rabsda.

Yaa kō-sɪd ne A Ulubhiyā wā (A tūudmā), A Naam yulgame, la yaa Yē me n sōmb ne tūudumā Yēnd A Yembre lagem-n-taag ka be ne-A būmb baa a yembr pugē ye: sēn be b pugē: yaa Puusgā, la doaag kosgo, la pulungo, la kodgre, la sōngr kosgo, la gūudum kosgo, la tūudum-rāmbā fāa gill a taabā.

la kō sɪd ne A Asmaa'u wā (A yuyā) sēn maneg zāngā la A sɪf-rāmbā sēn zēkā, A sēn sɪf A Mengā ne wā, maa A Nabiyaamā sēn sɪf-A ne wā -Wēnd puusg la A tɪlgr be a yīnga- la fo bas būmb ning Wēnd sēn ka sɪf ne-A mengā, maa A nabiyaamā me ka sɪf-A ne-a -Wēnd puusg la A tɪlgr be a yīnga- sēn yaa yuy la sɪf-rāmba, la kō sɪd t'A yuyā la A sɪf-rāmbā, b taa teka pidb la sōmblem wεεngē, la ad būmb ka be n wōnd-A, Yē n leb n yaa Wumda n yaa Neta.

Zeng-raoog a yiib soaba: yaa kō-sɪd ne malegsā

A yeelame A Naam Zēkame:

﴿الْحَمْدُ لِلَّهِ فَاطِرِ السَّمَوَاتِ وَالْأَرْضِ جَاعِلِ الْمَلَكِئَةِ رُسُلًا أُولَىٰ أَجْحِدَةٍ مَّتَنَّىٰ وَوُتِلَتْ وَرُبِعَ

يَزِيدُ فِي الْخَلْقِ مَا يَشَاءُ إِنَّ اللَّهَ عَلَىٰ كُلِّ شَيْءٍ قَدِيرٌ﴾ [فاطر: 1]



﴿Pēgr be ne Wēnde, sēn yaa saas la tēng Naandā, sēn maana Malegsā ti yaa tēn-tumdbā, sēn tar pɪgs a yiib-yiib la tāab-tāab la naas-naase, A paasda A sēn dat naanegā pugē, ad A yaa būmb fāa Tōoda﴾ [Faaṭuru 1]

D kōta sɪd ti malegsā yaa dūni sēn solg ne tōndo, la ad b yaa Wēnd yembse, A naan-b lame ne nuura (vēenem), n maan-ba ti b yaa tūudba, n yaa gāneg-m-mens-rāmb ne-A.

La bāmb yaa bōn-naands sēn yaa wusgo, b pāngā la b sōorā ka tōe bāng a tēka sā n ka Wēnde A Naam zēk yā, la b yembr fāa tara sɪf-rāmba la yuy la tuuma Wēnd sēn welg ne-ba, la sēn be b pugē yaa a Gibriil tulgr be a yīnga, b sēn bobl a soab ne Wahu wā, t'a sigd ne-a n yi Wēnd nengē A Naam zēkame, n tugd A tēn-tuumbā nengē.

Zeng-raoog a tāab soaba: yaa kō-sɪd ne Gaf-rāmbā

A yeelame A Naam Zēkame:

﴿قُولُوا ءَامَنَّا بِاللّٰهِ وَمَا أُنزِلَ إِلَيْنَا وَمَا أُنزِلَ إِلَيْنَا مِن رَّبِّهِمْ وَإِسْمَاعِيلَ وَإِسْحٰقَ وَيَعْقُوبَ
وَأَلْسَباطَ وَمَا أُوتِيَ مُوسَىٰ وَعِيسَىٰ وَمَا أُوتِيَ النَّبِيُّونَ مِن رَّبِّهِمْ لَا نُفَرِّقُ بَيْنَ أَحَدٍ مِّنْهُمْ وَنَحْنُ لَهُ
مُسْلِمُونَ﴾ [البقرة: 136]

{Yeel-y: "d kōo sɪd ne Wēnd la A sēn sik n kō tōndā la A sēn sik n kō a [braahum la a [smaaul la a [shaak la a



Ya'akuub la Yagensā la b sēn kō a Muusa la [ɪsa la b sēn kō Nabiyaam-rāmbā sēn yi b Soabā nengā wā, tōnd pa welgd baa a yembr b pugē ye, tōnd me yaa sak-n-tū-rāmba ne-A} [Al-bakara: 136]

Kō-sɪd sēn kenge, tɪ ad Gaf-rāmb nins sēn sig saasē wā fāa gilli, yaa Wēnd goama.

la ad b sik-b lame n yi Wēnd nengē A naam yɪ wagelle n zēke, n kō A Tēn-tuumbā, tɪ b tug ne A yembsē wā, tɪ yaa sɪda sēn yaa vēenega.

la d kō sɪd tɪ Wēnde, A Naam yɪ wagell n zēke, A sēn tums A Nabiyaam a Muhammadā -Wēnd puusg la A tɪlgr be a yīnga- n tug nebā fāa gill kep nengē wā, A yēesa ne a Muhammad Šari wā Šari-rāmb a taab nins sēn da reng taorā, la A maan Alkurāan wagellā, tɪ yē yaa sēn wa n ta n yāmb gaf-rāmb nins fāa sēn da reng taor n sig saasē wā, a leb n yēes-ba, la ad Wēnde, a reega A zugē, n na n gūus Alkurāan wagellā n yi tedgr buudu, maa toeengo, t'A yeele, A Naam Zēkame:

﴿إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ﴾ [الحجر: 9]

{Ad yaa Tōnd n sik Alkurāanā, la ad yaa Tōnd n na n gū-a.} [Al-hiğri 9], Bala Alkurāan wagellā, la Wēnd Gaf-rāmbā



baasdga, A Naam zēkame, n tug ninsaalbē wā, la A Nabiyaam a Muhammad -Wēnd puusg la A tulgr be a yīnga- yē la tēn-tuumbā fāa baasdga, la lɪslaoongā dīinā, yē la dīin ninga Wēnd sēn yar-a ne ninsaalbā, n na n tug n tāag dūni yikri, Wēnd yeelame, A Naam zēkame:

﴿إِنَّ الدِّينَ عِنْدَ اللَّهِ الْإِسْلَامُ وَمَا اخْتَلَفَ الَّذِينَ أُوتُوا الْكِتَابَ إِلَّا مِنْ بَعْدِ مَا جَاءَهُمُ الْعِلْمُ بَعَثًا بَيْنَهُمْ وَمَنْ يَكْفُرْ بِآيَاتِ اللَّهِ فَإِنَّ اللَّهَ سَرِيعُ الْحِسَابِ﴾ [آل عمران: 19]

{Ad Dīinā Wēnd nengē yaa lɪslaoongā} [Aalu-‘[mraan: 19].

La saasē Gaf-rāmb nins Wēnd sēn togsb-a -A naam zēk yā- A Gafā pugē wā, bāmb yaa:

Alkurāan wagellā: Wēnd sik-a lame, A nabiyaam a Muhammad zugu -Wēnd puusg la A tulgr be a yīnga-

Taooratā- Wēnd sik-a lame, A Nabiyaam a Muusa zugu, tulgr be a yīnga.

Lingiilā: Wēnd sik-a lame, A Nabiyaam a lisa zugu, tulgr be a yīnga.

Zabuurā: Wēnd sik-a lame, A Nabiyaam a Daawuud zugu, tulgr be a yīnga.



A [braahum gaf-rāmbā, Wēnd sik-b lame, A Nabiyaam a [braahum zugu, tulgr be a yīnga.

Zeng-raoog a naas soaba: yaa kō-sɪd ne tēn-tuumbā

A yeelame A Naam Zēkame:

﴿وَلَقَدْ بَعَثْنَا فِي كُلِّ أُمَّةٍ رَسُولًا أَنِ اعْبُدُوا اللَّهَ وَاجْتَنِبُوا الزَّلَّاتِ...﴾ [النحل: 36]

{La ad Tōnd tumsame tu kēng zāma fāa nengē Tēn-tuuma, (t'a yeel-ba): "tū-y Wēnd la y zāag rubsā}. [Annahlū :36]

Yaa sɪdgr sēn kenge, tu ad Wēnde, A Naam zēkame, A tumsa zāma fāa pugē tēn-tuuma, tu boond-b n tugd Wēnd tūudumā, Yēnd a Yembre lagem-n-taar ka be ne-A ye, la b kɪfleg ne būmb ning fāa sēn tūudi zēng sēn ka Wēnde, A Naam zēkame.

la b kō sɪd tu ad b (tēn-tuumbā) fāa gilli, b yaa yīng rāmba, n yaa rapa, n yaa Wēnd yembse, b yaa sɪd-rāmba n yaa b sēn sɪdgb-rāmba, n yaa Wēnd zoetba, n yaa bas-m-yam-rāmba, n yaa kāndagdba, n yaa pεegdba, Wēnd keng-b lame ne yel-soalem-rāmba, sēn wiligdi b sɪdā, la Wēnd sēn tum-b ne yel ninsā fāa gilli b taasame, la b fāa gilli b ra bee sɪd la kāndagr sēn yaa vēeneg zugu.



la b boollā fāa zemsa taaba, sēn na n sung b sungrē n tu tāag b baasgē wā, sā n yaa ne dīinā yēgr wεengē, yē me la Wēnd yeembgā -A naam yu wagell n zēke- tūudumā pugē la b ra maan lagem-n-taarā ne-A wā.

Zeng-raoog a nu soaba: yaa kō-sid ne laahr (Yaoolem) raarā

A yeelame A Naam Zēkame:

﴿اللَّهُ لَا إِلَهَ إِلَّا هُوَ لِيَجْمَعَنَّكُمْ إِلَى يَوْمِ الْقِيَامَةِ لَا رَيْبَ فِيهِ وَمَنْ أَصْدَقُ مِنَ اللَّهِ

حَدِيثًا﴾ [النساء: 87]

{Yaa Wēnde, soab kae sēn tūud n tulge rēnda Yē, A na n tigma yāmb neere āndūn-yikr rāarā, sik ka be, la ānd goam sīda n le yud Wēnde?} [Annisaa'u 87]

Yaa sīdgr sēn kenge, ne būmb ning fāa sēn kēed ne Yaoolem raarā, tōnd Soabā, A naam yu wagell n zēke sēn togs būmb ningā, A Gaf wagellā pugē, maa tōnd Nabiyaamā, a Muhammad, Wēnd puusg la A tulgr be a yīnga, sēn yēs tōndā, wala ninsaal kūumā la yikrā kūumā poorē wā, la alkiyoom raar seg-taabā, la Šafaa'ū wā (sugsgā) la miizaanā (zīslēm peesgā) la hīsaabā (Geelgā), la arzānā la Bugmā, la zēng sēn ka rē sēn yag ne Yaoolem raarā.



Zeng-raoog a yoob soaba: yaa kō-sɪda ne Alkadřā (pulengā), a sēn noom la a sēn toe

A yeelame A Naam Zēkame:

﴿إِنَّا كُلَّ شَيْءٍ خَلَقْنَاهُ بِقَدَرٍ﴾ [القمر: 49]

{ad Tōndo, būmbā fāa D naan-a lame ne geelgo.} {Al-kamaru 49}

Yaa loe sūurē wā tɪ būmbā fāa sēn paamd bōn-naandsā sēn yaa yela dūni-kāngā puga, ad yaa sēn tū ne Wēnd minim la A kordgo, A Naam yɪ wagell n zēke, la A rabsgo, Yē, A Yembr tāa, lagem-n-taag ka be ne-A ye. A leb n bāng tɪ alkadřā (Pulung-kānesā) yaa būmb sēn gulse taor tɪ ninsaal meng na n ka naan ye, la a bāng tɪ ninsaal me tara raabo la tulsem, la ninsaal n tumd a tuumā hakuk pugē, la rē fāa gillā, a ka yit Wēnd bāngřā la A raabā la A tulsmā pugē ye.

Rēnd kō-sɪd ne Pulungā a yikda yel a nu zugu:

a rāeenemā: yaa kō-sɪd ne Wēnd bāngřā sēn gūbg būmbā fāa wā

yiib soaba: yaa kō-sɪd tɪ Wēnd guls būmbā fāa sēn na n yɪ n tug n tāag dūni Yikr raare.



Tāabo: yaa kō-sɪd ne Wēnd tulsmā sēn yaa tulae tɪ yɪ wā, la A tōogā sēn gūbgā, rēnd A sēn tull būmb ningā yitame, A sēn ka tullā ka yɪt ye

Naase: yaa kō-sɪd tɪ Wēnd la būmbā fāa naanda, lagem-n-taag ka be ne-A, A bōn-naandsā pugē ye.

M zamsda koom yōgbo

A yeelame A Naam Zēkame:

﴿...إِنَّ اللَّهَ يُحِبُّ التَّوَّابِينَ وَيُحِبُّ الْمُتَطَهِّرِينَ﴾ [البقرة: 222]

{ad Wēnd noanga tuubdbā la A noang yɪlgdbā} [Albakara 222] A yeelame, Wēnd puusg la A tulgr be a yīnga: (Yōge wala mam koomā yōgbā buudu) Sēn be Puusgā yellā bedrem pugē, yaa Wēnd sēn maan yulgre a taorā, n maan yulgrā tɪ yaa sart ne Puusgā manegre, rēnd yaa yē la Puusgā kulen-bila, la ning a bedrmā f yamē wā a maanda sūurā tɪ yaa sēn tar noang kegenga n tug Puusgā, A yeelame-Wēnd puusg la A tulgr be a yīnga-: (Yulgrā, a yaa lumaoong pusuka, la Puusgā a yaa vēenem) la a leb n yeelame -puusg la tulgr be a yīnga-: (Ned ning sēn yōka koom, n maneg a koomā yōkre, a tuum tuuti wā yita a yīngē wā)



Rēnd yamba, a tugda a Soabā nengē, t'a yaa sēn yulge, yulgr ning sēn ne vēenega, a sēn maan tūudūm kāngā sēn yaa koomā yōgbo, la yulgr ninga b sēn ka ne-a ne nifu, ne A sēn maan tūudum-kāngā wā, t'a yaa sēn yulg a pug ne Wēnde, A naam zēkame, n tik Nabiyaamā na-kēndrā sorā, -Wēnd puusg la A tulgr be a yīnga-

Būmb ning sēn sōmb n yōk koom n yaool n maana:

1-Yaa Puusgo, sēn wa n yaa a soab gilli, zem tḥ yaa farila maa yaa Naafula.

2-Wēnd Roogā gilgrā (Ṭawaafu).

3-Alkurāanā susgo

m yōkda koom la m so ne ko yulenga

Koom sēn yaa yuleng yaa: koom fāa sēn sigd saasē wā maa a bulame n yi tēngē wā, n ket n be a yalε wā, t'a sḥf a tāabā yembr ka tedg ye, yē me la a kōbgā, la a noomā la a yūuga, ka tedg ne būmb ning sēn tōe n yiis-a koom yulgemdē wā ye.

M zamsda koom yōgbo

rāeenem nao-yakemdā 1: yaa Anniy wā, yē me zīigā yaa sūurē wā, la Anniy wā maaneg vōore, yaa sūurā sēn na n



loe t'a na n tuma tūudmā, tu yaa sēn na n bao pēnegre ne Wēnde, A Naam zēkame:

Nao-yakemda a yiib soaba 2: yaa nus tala a yiibā pekre

Nao-yakemd a tāab soaba 3: yaa noorā wugsgu

noorā wugsgu: yē yaa koomā kēesgo noorē wā, n wugs-a rē poorē t'a yiis-a

Nao-yakemd a naas soaba 4: yaa yōyā vēesgo

Yōyā fēesgo yaa f sēn na n fōog koomā ne f vuusmā n kēes hal yōorā pugē.

Rē poorē, yaa fēes n yiis-a: yē me yaa sēn na n yiis būmb ning sēn be yōorē wā, sēn yaa yō-vēto la zēng sēn ka yɪ rēnda ne fēesgo.

Nao-yakemd a nu soaba 5: Yaa nengā pegre

Nengā toaaga:

Nengā: fo sēn togl ne būmb ningā fāa yaa nenga.

La a yalmā teka: yaa sēn na n sung tubrē wā n tu tāag tubr a yembrā.



La sã n yaa woglemã: yaa sēn na n sung zugã zoobd sēn minim n bũldē wã, n tug n tãag lemdã tekē.

La nengã pekr gũbga bũmb fãa sēn be nengã puga, sēn yaa kōbd sēn yaa faaga, woto bala, ne peelmã n lagem ne tub kōbdã fãa gilli.

La sēn yeel tu peelmã yaa bũmb ning sēn be tub kudrã la tub vãoogã meng suka

La tub kōbdã yē: la kōdã sēn be kōbr ning sēn be tubrē wã n nukã n gũbg tubrã gillã, sēn yegleg tubrã vōorã, la sēn sedg n sig yepeoogē wã.

La woto bala, nengã pekrã gũbgda b sēn ne wã fãa gilli, n naag ne zoob taoko sēn yaa toεεnga zoobdã, la bũmb ning fãa sēn zorge n yi zoobdē wã.

na-kēndr a 6: yaa nus a yīibã pekre, n na n sung nus-biyã zutu, n tug n tãag kãntus a yīibã

la kãntus a yīibã kēeda nusã pekrē sēn yaa tulae wã.

na-kēndr a 7: yaa zugã fãa saagre, ne nus a yīibã n lagem ne tubã noor vugri.

a na n singa zugã sungrē, n tu kēng hal kãarē wã, n le lebg n wa ne-ba



la a kēes a nus-bi teesdsā a tub a yīibē wā.

la a yīisda a nus-raad a yīibā a tuba yingā, n saag ne bāmba tubrā yunga la a pugē wā.

na-kēndr a nii soaba 8: yaa nao a yīibā pekre, n na n sung na-biē wā n tɪ tāag hal na-kugē wā, la na-kug a yīibā kēeda nao a yīibā pekr pugē sēn yaa tulae wā.

nao-kug a yīibā bāmb la: kōab a yīib nins sēn nudg karga tēngrā.

Koom kaooda ne yel-kāensā:

1-Sēn yit soy a yīibē wā, wala ruudem la we-kεεnga, la sēedo, la mani la mazi

2-yaa yam yikri, sēn tū ne gōeem sēn zise, maa vūbgri, maa suubu, maa gāeemdo.

3-yaa būmb fāa gill sēn maand tɪ yaa tulae tɪ b so koom, wala Genaabo, la Pekre, la rogem zum.

Ned sā n maan we-kεεnga, a sōmbame n yēes rēgdā ne koom sēn yaa yulgemde la yēnda sōmblem n yude, maa zēng sēn ka koom, sēn yaa būmb ning fāa sēn yēesd rēgdā, wala kuga la vāto, la kudse la sēn wōnd rēnda, la ya a yɪ



yēεg a tāabo sēn yulgde maa sēn yuud rē, la leb n yɪ būmb sēn yaa yulgemde, n yaa būmb Šari wā sēn kō sore.

Nao-wuudā la susetsā saagre.

Sā n mikame tɪ f ninga nao-wuud a yiibu maa sosetse sakdame tɪ f saag-b yīibā, n ka tar tulsem n na n pek a nao a yīibā ye, la yaa sēn tū ne sart-rāmba, bāmba la:

1- yaa sēn na n mik t'a ning-b lame a sēn yaa yulgemd poorē, n yulg n yɪ rēg baonego, maa rēg bedre, tɪ mik t'a rag n pek a nao wā yulgmd-kāngā pugē.

2-yaa nao-wuud a yīibā yɪ yulgemde, n ka rēgd ye.

3-yaa tɪ saagrā yɪ wakat ning toaag b sēn yāk n kō wā.

4. yaa tɪ nao-wuudā yɪ n yaa halaale, wala b ra yɪ b sēn zu maa sēn fā ye.

Nao-wuud a yīibā bāmb: yaa būmb ning b sēn pit naoorē, tɪ yaa gāongo n yaa faaga la sēn wōnd rē, la a bilgri yaa wala neoodā nins sēn lut na-kāseng-kāyā.

la sā n yaa ne sosets a yīibā, yaa būmb ning ninsaal sēn pit a nao wā, sēn yaa peende, la sēn wōnd rēnda.



4- Šari wā sēn kō sor ne nao-wuud a yīibā saagrā hukma (vōore).

Šari wā sēn kō sor tu b saag nao-wuud a yīibā, a hukma (vōorā), yaa sēn na ylē n maan tu yu naana la yolse Islaambā zugu, rāmb nins sēn yaa toog ne-ba tu b pidg nao-wuudā n pek nao a yīibā, la sēn tug n yuda waoodā sasa, la wala so-toak zugu.

Saagrā woglemā:

Sā n yaa ned sēn be yiri: yaa raar la yungo, (wakat 24 pugē)

Sā n yaa kēnkēnda, yaa rasm a tāabo, ne b yundā fāa (wakat 72)

Saagrā sōorā sungda geelgo, a rāeenem saagrā koomā kaoob poorē wā.

Saag nao-wuudā zugu, a sfā wā (bilgrā) sēn yaa a soaba:

1. madgda nus a yīibā.

2-kēng ne nugā nao-tagdt wā yīngri, n sung na-biē wā n tug tāag kargā sungrē.



3-Saagda rutg na-tallā ne rutg nugā la saag goabg naorā ne goabg nugā.

Būmb ning sēn sāamd saagrā:

1-yaa būmb ning sēn maand tɪ koom soob yaa tlae wā

2. yaa saagrā wakat sēn na n sε

Koomā soobo

Kēed-n-taar sā n zīndi ne rawa maa paga, maa mani yii b yīibā nengē ne wum-noogo, nenem maa yaa b gōeem wakato, yaa tlae ne b yīibā tɪ b so, butɪ yīng tɪ b na tōog n puuse, maa b maan būmb ning yulgr sēn yaa tlae a pugē wā. Woto bala la paga, a sā n yulg n yi Pekre la rogem zum, yaa tlae ne-a t'a so taoor t'a na n ka puus ye maa yaa būmb ninga sēn yaa tlae tɪ b yulg n yaool maan-a.

la koomā soob (Stfa) bilgri:

Yaa tɪ lɪslaam gūbg a yīnga gill ne koom, a sēn yɪ neng ning fāa gilli, la sēn be a pugē, yaa noorā wugsgu la yōya fēesgo, rēnda a sā n gūbg a yīngā fāa ne koom, rēg-kāsengā zēk n bas-a lame tɪ yulgrā yaa sēn pidi.



b gɔdga ne genaab-soaba yel nins sēn watā halɪ t'a wa so koom:

01 Puusgo

02 Wēnd Roogā gilgri (Ṭawaafu).

03 Miisr pugē zīnd n kaoose, la sakda ne-a t'a puug bala, n ka zīnd n kaoose.

04 Alkurāanā susgo

05 Alkurāanā karengo.

Tεεma wēebo.

Lūslaam sā n ka paam koom a sēn na n yɪlg a meng ne-a, maa a ka tōe n tum ne koomā bāag yīnga la sēn wōnd rē, la a yεεsdē tɪ Puusgā wakatā na n pōsg-a lame, rēnda a wēeda tεεm ne tom.

la a sɪfā, yaa a wē a nus a yiibā ne tēngā vugri n saag a nengā la nus tala a yiibā bala. la yaa sart tɪ tomā yɪ yɪlgemde.

Tεεma wēeb sāamdame ne yel-kāensā:



1-Tεεmā wēeb kaoodame ne būmb ning sēn kaood koomā yōgbā

2-Koom sā n paam taoor tɪ yē na ka sung tūudum ning a sēn wē tεεmā n na n maana

M zāmsda Puusgā

Wēnd roglā lɪslaama, wīndg la yung pugē, Puus-rāmb a nu, bāmb me yaa Fagiri la Zafare la Laasare la Magriba la Sāanfo.

M segendame n na n puuse

Puusgā wakat sā n ta, lɪslaam yulgda a menga n yi rēg-bāanese la rēg-beda, sā n mikame t'a rēgma rēgd sēn yaa bedre.

Rēg-bedrā, yēnda yaa būmb ning sēn maand tɪ yaa tɪlae ne lɪslaam t'a so wā.

La rēg-bāanegā, yē yaa būmb ning sēn maand tɪ yaa tɪlae ne lɪslaam t'a yōk kooma.

lɪslaam puusda ne fut sēn yaa yulgemde, zīig sēn yaa yulgemde n yi rēgdo, t'a yaa sēn lud a yāndā.



Lūslaam nagda ne fut sēn toge Puusgā wakato, n lud a yīnga ne fuugā, la ka sōmb ne rao Puusg pugē t'a vēneg būmb sēn be yūugā ne rūmā suk ye.

yaa tulae ne paga t'a lut a yīnga fāa Puusgā pugē, sã n ka a nengā la a tal a yīibã.

Lūslaam ka gomd Puusgā pugē, rēnda wala goam nins sēn welge toor ne Puusgā, la a sīndame n kelgd limaamã, a ka wēnesd a Puusgā pugē ye, la a sã n ka tōe n ruls goam nins sēn welg toor ne Puusgā, rēnd a tēegda Wēnd Yuure, n maan Subhaanallaah halı n wa tu sees Puusgā, la yaa tulae ne-a t'a yāge n zāms Puusgā la a karem Puusgā gom-biisi.

M zāmsda Puusgā

rāeenem na-yakemdã 1: yaa Anniy wã rıkre ne faril ning yē sēn rat n na n kō wã, la a zīigã yaa sūurē wã.

M sēn yōk koomã n se poorē, m teesda Alkiblã n puus tu m yaa sēn yase m sã n tōe rēnda.

na-kēndr a yīib soaba 2: m zēkda m nus a yīibã, n yegl m bāgd a yīibã, n yeele:" Allaahu Akbaru" tu m yaa sēn maan m Anniy wã, n na n kē Puusgā pugē.



na-kēndr a tãab soaba 3: m karemda Puusgã pakr doaga, bũmb ning sēn wa n yi Nabiyaamã nengē wã, la sēn be rē pugē, yaa yeele: (Subhaanaka Allaahumma wa bu hamdka, wa tabaaraka'smuka, wa ta-'aalaa ġadduka, wa laa'laaha Gayruka= m Soab a Wēnde, F yulgame, la m pēgd-Fo, F Yuur yɪ wagelle, F zɪslem zēkame, soab ka be zēng sēn ka Foom ye)

na-kēndr a naas soaba 4: m kota gūudum n yi a suutãana, b sēn rig a soab n zãag yolsgã, n yetē: (A'uuзу Billaahu Minaš-šayṭaanir-ragiim)

na-kēndr a nu soaba 5: m karemda Alhamdo, rakaar fãa pugē, yē me la:

﴿بِسْمِ اللَّهِ الرَّحْمَنِ الرَّحِيمِ﴾ ① الْحَمْدُ لِلَّهِ رَبِّ الْعَالَمِينَ ② الرَّحْمَنِ الرَّحِيمِ ③
 مَلِكِ يَوْمِ الدِّينِ ④ إِيَّاكَ نَعْبُدُ وَإِيَّاكَ نَسْتَعِينُ ⑤ أَهْدِنَا الصِّرَاطَ الْمُسْتَقِيمَ ⑥ صِرَاطَ
 الَّذِينَ أَنْعَمْتَ عَلَيْهِمْ غَيْرِ الْمَغْضُوبِ عَلَيْهِمْ وَلَا الضَّالِّينَ ⑦ ﴿[الفاحة: 7-1]

D na n sunga ne Wēnd Yuurã Albarka, sēn yaa Dūni yols- zãng Naabã, n leb n yaa Sɪd-kōatbã welg n yols Naabã (1) Pēgr tiging be ne Wēnde sēn yaa bōn-naandsã Naabã (2) sēn yaa dūni gubg-n-yols Naabã, n yaa Yaoolem raar welg- n-yols Naabã (3) n ya dīinã rolb raar Naabã (4) Foo bal la d tūuda, la Foo bal la d kot sōngre (5) kãndg-d n tug so-



turgē wā (6) B rāmb nins Fo sēn maan neemā b zugā sore, zēng ti pa B sēn gē-b rāmbā, pa sēn menembā sore.(7))

M karemda Alhamdā poorē, būmb ning sēn yaa naana ne maam Alkurāanā pugē, rēnem rakaarē wā la yīibē soabā teka Puusgā fāa pugē, la woto ka būmb sēn yaa tilae ye, la ad yaa keoor sēn yaa zisgo n be a maanegā pugē.

Na-kēndr a yoob soaba 6: m yetame: "Allaahu Akbaru", rē poorē ti m maan Rukuu (zōonde), halu ti m poorā zems taaba n yaa sas, ti m nus a yīibā yaa sēn be m rūm a yīibā zugu n yaag nus-bi wā, rē poorē ti m yeel Rukuu wā: "(Subhaana Rabiya Al-‘Azum" m Soab Zisgā yulgame).

Na-kēndr a yopoe 7:soaba: m roogdame n yi Rukuuē wā, n yeele (Sami‘a Allah luman hamidahuu), ti m yaa sēn zēk m nus a yīibā n ti zems ne m bāgdā, ti m yīnga yōgne, n yals n yeele: "(Rabba naa walakal hamdu).

Na-kēndr a nii: 8 soaba: m yetame: "Allaahu Akbaru, n maan Suḡuudu m nus a yīibā la m rūm a yīibā la m na-tagds a yīibā la m rīirā la m yōorā zugu, la m yeel m Suḡuuda pugē (Subhaana Rabiya Al-‘alaa= m Soab Zēkdgā Naam yulgame)



na-kēndr a wae:9 soaba: m yetame: Allaahu Akbaru= Wēnd n yud bedrem) n rooge n yi Suḡuudē wā halı n wa zīnd zānga, tı m poorā yaa sēn tēege, n zī goabg na-tagdrā zugu, n sel rutg naoorā, n yeele: (Rabu ıgfır lu= m Soab a Wēnde, yaaf-ma).

Na-kēndr piig soaba: m yetame: (Allaahu Akbaru) Wēnd n yud bedrem) n lebg n tiuul (maan Suḡuudu) yesa wala rēenem Suḡuudā.

Na-kēndr piig la a yembre: m roogdame n yi tiuulgē (Suḡuudē) wā, n yeele: Allaahu Akbaru= Wēnd n yud bedrem) halı n wa tug n tēege, n yals tırğa, la m maanda Puusgā Rakaar-rāmbā sēn kellā fāa pugē, wala m sēn maan rēenem Rakaarā bilgri.

Zafarā la Laasarā la Magribā la Sāanfā rakaar-rāmb a yiibā loogr poorē, m zīndidame, n maan Attašahud rēengā, la yē me la: (Attahıyaatu Lullaahı, waşşalawaatu waṭṭaybaatu, assalaamu ‘alayka, ayyuha'nnabiyyu, wa rahmatullaahı, wabarakaatuhuu, assalaamu ‘alaynaa, wa ‘alaa ‘ıbaadıllaahı aşşaalhuna, aşhadu anlaa ılaaha ulla Allaahu, wa Aşhadu anna Muħammadan ‘Abduhuu wa rasuuluhuu = Puus-rāmb be ne Wēnde, fāagr la Yulma be ne Wēnde, Tılgır be ne foom a Nabiyaama, la Wēnd yolsg



la A barka, Tɪlgr be ne tōnd la Wēnd yemb sōmsā, m tabenda m sūurē ne hakuk tɪ soab sēn na n tū n tɪlg kae rēnda Wēnde, la m maand kaset t'a Muhammad yaa A yamb la A Tēn-tuuma) Rē poorē tɪ m leb n yik n kēng Rakaar a tāab soabā wānde poorē. Raka baasgā poorē, Puusg fāa pugē, m zīndidame n karem Šahd baasdgā, yē me la woto: (Attahɪ yaatu lullaahɪ, waššalawaatu waṭṭaybaatu, Assalaamu Alayka Ayyuhannabiiyu wa rahmatullaah wabarakaatuhuu, Assalaamu 'Alaynaa, wa 'alaa 'lbaadullaah Aššaalɪhuna, Ašhadu an laa'ulaaha ulallaah, wa Ašhadu Anna Mohammadan 'Abduhuu Warasuuluhuu. Allahumma šallɪ 'Alaa Mohammadun wa' 'alaa aalɪ Mohammadun, kamaa šallayta 'Alaa [braahuma wa 'alaa aalɪ [braahuma, unnaka hamiidun maḡiidun, Allahumma baarik 'alaa Mohammadun wa 'alaa aalɪ Mohammadun, kamaa baarakta 'alaa [braahuma wa 'alaa aalɪ [braahuma innaka hamiidun maḡiidun.)

na-kēndr piig la a yiib soaba: rē poorē, m ningda sallem goabg wεengē, n yeele (Assalaamu 'Alaykum wa rahmatullaahɪ) la m ning sallem m rutg wεengē n yeele: (Assalaamu 'Alaykum wa rahmatullaahɪ) tɪ m yaa sēn maan Anniy wā n na n yi Puusgā pugē la woto mam yaa sēn kɪs Puusgā.



Lɪslaam poak hɪḡaabe (ludbu)

A yeelame, A Naam Zēkame:

﴿يَأْتِيهَا النَّبِيُّ قُلُوبًا لَّأَزْوَاجِكَ وَبَنَاتِكَ وَنِسَاءِ الْمُؤْمِنِينَ يُدْنِينَ عَلَيْهِنَّ مِنْ جَلْبِيبِهِنَّ ذَلِكَ
أَدْنَىٰ أَنْ يُعْرَفْنَ فَلَا يُؤْذَيْنَ ۗ وَكَانَ اللَّهُ غَفُورًا رَحِيمًا﴾ [الأحزاب: 59]

{Yaa foom a Nabiyaamā! Yeel f pagbā la f kom-pugli wā la muumin-rāmbā pagbā, tɪ b woglg b fu-bedā n maan tɪ kull n pēnege, tɪ rēnd n pē ne b na bāng-ba, n ka maan tɪ nong ta-b ye, la Wēnd yume n yaa Yaafda n yaa Yolsda} [Al-Ahzaab: 59] Wēnd maaname tɪ yaa tɪlae n rog ne lɪslaam poaka t'a lud a menga la a lud a yāndā la a yīngā fāa gilli n yi ra-zēmse, ne fut ninsi b sēn minimi b tēngē wā. La ka sōmb ne-a t'a yāk a ludbā sā n ka a sɪd taoore maa maa a rog-pētba, bāmb me la neb nins lɪslaam poak sēn ka tōe n fur-bā, tɪ ka tōe n furā yaa lae-lae, bāmb me: (Yaa ba, baa t'a sēn n zēke (yaaba), la biiga baa t'a sā n sigi (yagenga), la saam-bila kāsemse la yes-rāmba, la tāo, la tāo biiga la tao poak biiga, la ma sɪda, la sɪda baaba, baa t'a sā n zēke, (yaaba) la sɪda biiga, baa t'a sā n sigi, (yagenga), la tāo yēseng wεngē, la ma-yēsmd sɪda. La yēsengā haramda (gɪdgda) būmb ning sēn gɪdgɪd buudē wā)



La lɪslaam poak gūusda a yeremē wā yel sānda:

Pipi soaba: yaa yīngā fāa gūbgri.

Yiib soaba: yaa tɪ pag sēn yer būmb ningā ra yɪ nagem
ye

Tāab soaba: yaa t'a ra yɪ yāasenga n vēnegd a yīnga ye.

Naas soaba: yaa t'a yɪ yalgemde, n ka yɪ sēka, n wīnigd a
yīngā ye.

Nu soaba: yaa t'a ra ning-a parfē ye.

Yoob soaba: yaa t'a ra wōneg rao fut ye.

Yopoe soaba: yaa t'a ra wōneg sēn ka lɪslaam pogsā futā
b tūudumē wā maa b tigā fut ye.

Sēn yi Muumin (sɪd-kōt) sɪf-rāmbē

A yeelamem A Naam Zēkame:

﴿إِنَّمَا الْمُؤْمِنُونَ الَّذِينَ إِذَا ذُكِرَ اللَّهُ وَجِلَتْ قُلُوبُهُمْ وَإِذَا تُلِيَتْ عَلَيْهِمْ آيَاتُهُ زَادَتْهُمْ إِيمَانًا

وَعَلَىٰ رَبِّهِمْ يَتَوَكَّلُونَ﴾ [الأنفال: 2]

{Neb nins tɪ b sā n tēeg Wēnd yell bɪ b sūyā rigdā, bāmb
bal la sɪd-kōtba; la b sā n karem A goama me tɪ b wume, a



paasd-b sɪd-kūuni, la b Soabā me la b bobēnd b mensā.}
[Al-anfaalu :2]

A yaa sɪd-soaba, a goam pugē a ka yagd zīri ye.

A pidsda alkaoole la pulungo.

A ka wēngde zabr pugē.

A lebsda bobelle.

A noanga ne a ma-bi taaga būmb ning a sēn noang ne a
menga

A yaa kōta.

A manegdame n tugd nebā.

A tōkda rogem.

A yarda ne Wēnd kordga la a puusd-A barka yol-yol sasa
la a maand sugri keelem wakato

A yaa yān-zoeta.

A yolsda bōn-naandsā.

A sūurā tulgame n yi sū-kīiri, t'a yīn-wilā tulg n yi maan-n-
zuug nebā zugu



A basdame tı loogd nebã yīnga.

A ka rit rıbaaga a ka tum ne rıbaaga.

A ka yoode.

A ka yūud rāam.

A manegdame n tugd a yagsã.

A ka wēgde, a ka zāmbde.

A ka zuudi la a ka maand sulem ye.

A yaa manegd ne a roagdb a yiibã, baa tı b sã n ka lslaaamba, la a tūud b noore manegr pugē.

A wubda a koambã zug-wagell zugu, la a wiligd-b Šari wã yela, la a gıdg-b n yit zug-wēnse la haraam-rāmba.

A ka wōnesd a meng ne zēng sēn ka lslambã tuuma, sēn yaa b dīinã yelē, maa b rog-n-mikã yel nins sēn lebg vūun ne bāmbã.



Mam sū-noogā mam lɪslaoongā dīinā pugē

A yeelame, A Naam Zēkame:

﴿مَنْ عَمِلَ صَالِحًا مِّنْ ذَكَرٍ أَوْ أُنْثَىٰ وَهُوَ مُؤْمِنٌ فَلَنُحْيِيَنَّهٗ حَيٰوةً طَيِّبَةً وَلَنَجْزِيَنَّهُمْ أَجْرَهُمْ بِأَحْسَنِ مَا كَانُوا يَعْمَلُونَ ﴿٩٧﴾﴾ [النحل: 97]

(Ned ning sēn tuma sōma, yaa raoa tɪ yaa paga, tɪ yē yaa sɪd-kōta, D na vums a soab vum sēn yaa ylenga, la D na rol-b keoor sōmblem sēn yud b sēn da yɪ n tumdā.) [Annaḥlu: 97] Būmb sēn tug n yud sēn kēesd sū-noogo la yardo lɪslaam sūurē wā, yaa a sēn kell n tuk tɪrga ne a Soabā n ka baood ned na kē a suka, zem tɪ yaa vitbē wā maa yaa kiidbē wā, bɪ yaa rubse, bala Wēnde, A Naam zēkame, a togsa a Gaf wagellā pugē, t'A yaa pēt ne A yembsā wakat fāa, A wumd-b lame, A reegda b kosgā, wala A sēn yeele, A Naam zēkame:

﴿وَإِذَا سَأَلَكَ عِبَادِي عَنِّي فَإِنِّي قَرِيبٌ أٰجِيبُ دَعْوَةَ الدَّاعِ إِذَا دَعَانِ فَلْيَسْتَجِيبُوا لِي وَلْيُؤْمِنُوا بِي لَعَلَّهُمْ يَرْشُدُونَ ﴿٧٨﴾﴾ [البقرة: 186]

(la Mam yembsā sā n sok foo Mam yelle, rēnd Mam pēeme, M deegda boand boolgo, t'a sā n bool-Ma, bɪ b maan M sēn na reeg b yīnga la b kō sɪd ne-Ma tɪ sānd-



sānde b na kānde) [Al-bakara: 186], La A sagla tōndo, A Naam yulgame, tɪ d kos-A, n maan yel-kāngā tɪ yaa tūudum-rāmb sēn yud zislem, lɪslaam sēn baood pēnegr ne a Soabā nengē, ne A sēn yeele, A Naam yɪ wagell n zēke:

﴿وَقَالَ رَبُّكُمْ ادْعُونِي أَسْتَجِبْ لَكُمْ إِنَّ الَّذِينَ يَسْتَكْبِرُونَ عَنْ عِبَادَتِي سَيَدْخُلُونَ جَهَنَّمَ

دَاخِرِينَ﴾ [غافر: 60]

{la yāmb Soaba yeelame: "kos-y-Ma tɪ M na reeg y yīnga} [Gaafir: 60], Rēnd lɪslaam sēn yaa turga, wakat fāa a tara tulsem n tug a Soabā nengē, la a koat-A wakat fāa, la a baood pēnegr ne Wēnde ne tūudum-rāmb nins sēn yaa sōmā wā:

La Wēnd maana tōndo, dūni-kāngā puga, A Naam zēkame, ne būmb ning yīnga sēn yaa bedre, A ka naan tōndo zaalem ye, yē me la Wēnd tūudum, A Yembr tāa, lagem-n-taag ka be ne-A ye. La A maana dīin n kō tōndo sēn yaa Wēnd dīini, sēn gūbg fāa gilli, n kumbd tōnd vumā yelā fāa gilli, sēn welge, la sēn gūbgi. La A leb n gū ne Šari-kāngā sēn yaa tēeg-turgā vumā yel nins sēn yaa tɪlae wā, yē me yaa dīinā, la d yōyā la d burkīndā la d yamā la d arzεgsā. La ned ning sēn vuma n tūud Šari wā saglsā, n zāagd a menga ne haraam-rāmbā, rēnd yē soabā, a gūusa



yel-kāensā sēn yaa tɪlae wā, a vuumdame ne zu-noogo, a sēn tar yīn-yōgnego a vuumā pugē, sik sēn ka be.

La lɪslaam tōkrā ne a Soabā, a yaa būmb sēn zulme, n maan yīn-yōgnego la bas-m-yam la sū-noogo, n leb n ningd a yamē wā ne Wēnd sēn be ne-a wā, A Naam yɪ wagell n zēke, la A sēn sōngd-a wā, la A sēn noang A yambā sēn yaa sɪd-kōtā, Wēnd yeelame, A Naam zēkame:

﴿اللَّهُ وَلِيُّ الَّذِينَ ءَامَنُوا يُخْرِجُهُم مِّنَ الظُّلُمَاتِ إِلَى النُّورِ وَالَّذِينَ كَفَرُوا أُولِيَاؤُهُمُ الطَّاغُوتُ يُخْرِجُونَهُم مِّنَ النُّورِ إِلَى الظُّلُمَاتِ أُولَٰئِكَ أَصْحَابُ النَّارِ هُمْ فِيهَا خَالِدُونَ ﴿٢٥٧﴾﴾ [البقرة: 257]

{Wēnd la sɪd-kōtbā lallda, A yiisda bāmba ligsē wā n tugd vēenemē wā} [Al-bakara: 257]

Tōk-n-ta-kāngā sēn yaa zɪsgā, a yaa halhaal ninsaal sēn wumd-a a yīngē wā, t'a talled-a t'a paam wum-noogo ne Arrahmaan (Yolsg Naabā) tūudum, n tar nonglem kegenga, n na n yek-A, n yɪkd ne sūurā n tugd zu-noog saagē ne a sēn wumde lumaoongā noomā.

noog-kānga, noomā sēn ka tōe n bilgā sā n ka ned ning sēn leems-a ne tūudumā maanego la yel-wēnsā zāagre, rē n kɪt tɪ Nabiyaam a Muhammad, **Wēnd puusg la A tɪlgr be a yīng, yeele-**: (Ned ning sēn yara Wēnd tɪ yaa a Soaba, la



Iuslaaoongo tu yaa a dīini, la a Muhammad tu yaa a Tēn-tuuma, a lemba sid-kūun noom.)

N-yeē! Ninsaāl sā n ning a yamē wā wakat fāa t'a be a Naandā taoore, la a bāng-A ne A Yuyā la A Sif-rāmbā sēn be neerā, la a tū-A tu yaa wala yē ne-A lame, la a maan pu-peelem a tūudumā puga ne Wēnd A Ye tāa, la a ka bao-A ne a tūudumā zēng sēn ka Wēnd A -Naam yī wagelle - a vuumsda vum sēn yaa ylgemde n yaa zu-noogo dūni kaanē, la baas-neere Yaoolem raarā.

Hali n tu tāag yel nins sēn paamd sid-kōta dūni pugē wā, ad a tuulmā gōbgdame ne bāng-n-wāakā maasmā la yarda ne Wēnd kordgā, A Naam zēkame, la a pēg-A A kordgā fāa sēn yaa noogo la sēn yaa toogo, la yard sēn pid ne-a.

La sēn leb n sōmbē tu Iuslaam maan noanglem ne-a bul yīng t'a zu-noogā na paase la a yīn-yōgnegā, ya a sēn na n tēegd Wēnd Yuurā wusgo A Naam zēkame, la a sēn na n karem Alkurāan wagellā, wala A sēn yeelā A Naam zēkame:

﴿الَّذِينَ ءَامَنُوا وَتَطْمَئِنُّ قُلُوبُهُمْ بِذِكْرِ اللَّهِ أَلَا بِذِكْرِ اللَّهِ تَطْمَئِنُّ الْقُلُوبُ﴾ [الرعد: 28]

✦ Neb nins sēn kō sidā tu b sūyā yōgend ne Wēnd yuurā tēegrā, la ad yaa ne Wēnd yuurā tēegr bala la sūyā



yōgenda ﴿ [Ara'adu: 28]. La lɪslaam sēn paas Wēnd Yuurā tēegrā la Alkurāanā karengā fāa, la a pēnegrā ne Wēnd sēn kengde, t'a yōorā yulge, t'a sɪd-kūunā kenge. Woto bala, sōmba ne lɪslaam t'a bu noanglem ne a dīinā yel karengo, a yēgē wā sēn manegā, sēn na yul t'a tū Wēnde, A Naam zēkame, ne minim, bala Nabiyaamā yeelame, **Wēnd puusg la A tulgr be a yīnga-**: (Bāngr baoob yaa tilae n rog lɪslaam fāa), La a leb n yul bas-m-meng soab n tū, n pugd Wēnd saglsā, A Naam zēkame, Naab ning sēn naan-a wā, zem t'a bānga sagellā vōore maa a ka bānge, bala A yeelame, A Naam zēkame, A Gaf wagellā pugē:

﴿وَمَا كَانَ لِمُؤْمِنٍ وَلَا مُؤْمِنَةٍ إِذَا قَضَى اللَّهُ وَرَسُولُهُ أَمْرًا أَنْ يَكُونَ لَهُمُ الْخِيَرَةُ مِنْ أَمْرِهِمْ
وَمَنْ يَعْصِ اللَّهَ وَرَسُولَهُ فَقَدْ ضَلَّ ضَلَالًا مُّبِينًا﴾ [الأحزاب: 36]

{La ka segd ne sɪd-kōt raog la sɪd-kōat poak tɪ Wēnd la A Tēn-tuumā sā n gāneg yell buud n se bɪ b le tall yam-yākr b yellā pugē ye, la ned ning sēn kusa Wēnd la A Tēn-tuumā, rēnd a menema meneng sēn yaa vēnega.} [Al-Ahzaab : 36].

La Wēnd na puus la A tulg tōnd Nabiyaamā a Muhammad la a zaka rāmbā la a tūud-n-taasā (Şahaabsā) gilli.



Index

Gom-koεεg sēn nafde, n kō lɪslaam paalā	1
Gomd tuusgo	3
Mam Soabā yaa Wēnde	6
Nabiyaama a Muhammad, -Wēnd puusg la A tulgr be a yīnga-.....	10
Alkurāan wagellā yaa mam Soabā goama.....	12
M rat n na n bānga lɪslaoongā zeng-raadā	13
M rat n na n bānga Sɪd-kūunā (Lumaoongā) zeng-raado:.....	19
M zamsda koom yōgbo.....	28
Nao-wuudā la susetsā saagre	33
Koomā soobo	35
Tεεma wēebo.....	36
M zāmsda Puusgā	37
lɪslaam poak hɪgaabe (ludbu).....	43
Mam sū-noogā mam lɪslaoongā dīinā pugē	47



موسوعة المصطلحات الإسلامية
TerminologyEnc.com



موسوعة تضم ترجمات المصطلحات
الإسلامية وشروحها بعدة لغات



موسوعة الأحاديث النبوية
HadeethEnc.com



موسوعة تضم ترجمات للأحاديث
النبوية وشروحها بعدة لغات



موسوعة القرآن الكريم
QuranEnc.com



موسوعة تضم تفاسير وتراجم
موثوقة لمعاني القرآن الكريم

IslamHouse.com



مراجعة مجانية إلكترونية
موثوقة للتعريف بالإسلام



منتقى
المحتوى الإسلامي



موسوعة تضم المنتقى من
المحتوى الإسلامي باللغات

100 الإسلام بأكثر من 100 لغة

جمعية خدمة المحتوى
الإسلامي باللغات



جمعية الدعوة
وتوعية الجاليات بالربوة

